

Naziv tematske cjeline u oblasti evropskih integracija	f) PRIPREMA SPECIFIČNIH DOKUMENATA ZA KORIŠTENJE PRETPRISTUPNE POMOĆI EVROPSKE UNIJE
Sadržaj tematske cjeline	1. Glavne promjene i izazovi u IPA III: • Osnovni elementi i promjene u odnosu na IPA 2014-2020 • Specifična IPA III terminologija • Osnovni elementi IPA III (zajednički strateški okvir, zajednički budžet i podjela sredstava, strateški dokument države korisnice pomoći EU) - Strateški odgovor 2. IPA III pravni i strateški okvir: • Hijerarhija dokumenata • Predstavljanje ključnih pravnih dokumenata • IPA III piramida pravnih i strateških dokumenata: Sporazum o finansijskom partnerskom okviru (FFPA), Strateški odgovor (SR), Akcioni dokument (AD), Idejni prijedlog (AF) 3. Izrada programskih dokumenata: • Intervencijska logika i uzajamna veza između SR, AD-a i AF-a • SR u procesu programiranja - svrha, uloga i sadržaj • AF u procesu programiranja - svrha, uloga i sadržaj • AD u procesu programiranja - svrha, uloga i sadržaj 4. Komplementarnost Reformske agende za BiH sa IPA III • Nastanak, značaj i sadržaj Reformske agende za BiH • Analiza komplementarnosti akcija IPA III s reformama iz Reformske agende za BiH
Preporučeno trajanje obuka za tematsku cjelinu izraženo brojem akademskih sati	• Klasična obuka u sali: 16 akademskih sati, odnosno obuka u trajanju od dva dana po 8 akademskih sati • Vebinar: 10 akademskih sati, odnosno dva dana po 5 akademskih sati
Opis obuka unutar tematske cjeline	IPA III je instrument pretpristupne pomoći EU za period 2021-2027, koji se sa aspekta planiranja pomoći razlikuje od IPA 2014-2020 (IPA II). IPA III nastavlja planiranje i programiranje projekata na osnovu strateškog i sektorskog pristupa. Za razliku od prethodnog instrumenta, IPA III ne predviđa pripremu sektorskih planskih dokumenata za svaki sektor, već predviđa pripremu jednog strateškog planskog dokumenta koji će obuhvatiti sve ključne prioritete i akcije/projekte u periodu od 2021. do 2027. godine. Proces programiranja IPA III sredstava kao i Reformska agenda za BiH usmjereni su na ostvarivanje potrebnih rezultata u procesu pristupanja zemlje korisnice EU. Reforme predložene u okviru Reformske agende za BiH komplementarne su s IPA podrškom procesu evropskih integracija u BiH. Neke od predloženih reformi također doprinose stvaranju podsticajnih uslova za korištenje IPA sredstava. Na osnovu provedene analize akcija/dokumenta o akcijama IPA 2021–2024 i njihove povezanosti s reformama iz Reformske agende, može se reći da je najveći dio akcija komplementaran s određenim indikativnim reformama. • Upoznati polaznike s razlikama između instrumenata IPA II i IPA III

Ciljevi obuka unutar tematske cjeline	• Upoznati polaznike s konceptom IPA III u planiranju i programiranju pomoći, uključujući glavne elemente pravni i strateški okvir, te osnovne projektne dokumente • Upoznati polaznike s okvirom u kojem se realizira IPA III, te fazama i dokumentima koji prate ovaj instrument • Kroz rad na praktičnim primjerima polaznicima prenijeti znanja o izradi strateškog odgovora (SR), akcionih dokumenata (AD) i idejnih prijedloga (AF) • Upoznati polaznike sa značajem i sadržajem Reformske agende za BiH i vezom između Reformske agende za BiH i IPA III
Ciljna grupa polaznika (utvrđena članom 7. Odluke o obukama)	• Članovi tijela u sistemu koordinacije procesa evropskih integracija, pregovaračke strukture i svih ostalih struktura uspostavljenih za potrebe procesa evropskih integracija • Zaposleni i angažirani u institucijama na svim nivoima vlasti u BiH koji obavljaju poslove i radne zadatke u vezi s evropskim integracijama i koordinacijom procesa pridruživanja BiH EU • Predstavnici nevladinih organizacija, akademske zajednice, medija i svi ostali koji u svom domenu rada učestvuju ili imaju profesionalni interes u procesu evropskih integracija • Specifična ciljna grupa polaznika kojima je neophodno sticanje znanja o procesu evropskih integracija
Ishodi učenja	• Polaznici su upoznati s promjenama u pristupu koji donosi IPA III • Polaznici razumiju koncept, pristup i pravila programiranja IPA III • Polaznici su osposobljeni za učešće u procesu izrade AF-ova i AD-ova • Polaznici obuke razumiju vezu između Reformske agende za BiH i IPA III
Metode izvođenja	Obuka se može držati kao klasična obuka u sali ili vebinar. Teorijski dio (prezentacije) i praktični dio (vježbe). Prvi dan obuke (8 akademskih sati) je teorijski, a drugi dan obuke (8 akademskih sati) je praktični rad. Praktični dio sastoji se od rada na konkretnim primjerima izrade SR-a, AF-a i AD-a. Ako se obuka drži u formi vebinara, njeno trajanje skraćuje se tako da se osigura razmjerno pokrivanje cjelokupnog sadržaja.